

d'Bannowender mam Méckenjang



Och am Joër 2012 huet den Méckenjang „Jang Quintus“, erëm een flotten Programm fir d'Méckenbänner vun Flyfishing Club aus Lëtzebuerg op d'Been gestallt. d'Bannkuren fänken den 19. Oktober 2012 un an daueren bis den 23. März am Joër 2013. All Joërs op een Neis geléngt et dem Méckenjang, mat der dotkräfteger Ënnerstetzung vum Raym Paulus, een originellen an ofwiesslungsräichen Programm zesummen ze stellen, fir d'Méckenfëscher vum Flyfishing Club aus Lëtzebuerg aus dem Wanterschloof un den Bannstack ze lackelen. Zanter ee bëssen méi ewei éngem Joër fannen eis Bannkuren am formidablen Kader vun den Fëschweihere zu Rolléng, beim Cindy an beim Andy, statt. Hei hun mir Reimlechkeeten fond déi kéng Wënsch oploossen an mir hun eis direkt Doheem gefillt. Mat vill Léiwte an Fléiss hun d'Cindy an den Andy hei een Zesummenkommen vun Fëscher an och net Fëscher geschaafen deen un déi aal Zäiten erënnert ewou Gemitlechkeet nach grouss geschriwwen gin ass. Esou sin dann d'Bannowender och éng wëllkom Geleenheet fir sech och dann ze gesin wann den Weë een, bedéngt durch dat schlecht Wieder, net méi esou oft bei d'Waasser féiert. Hei gin d'Neiegkeeten ënnert eneen ausgetosch an d'Pläng fir déi nei Fëschersaison opgestallt. Et schwätzt fir sech dass och vill Memberen vun eisem Club déi net méi aktiv bannen, trotzdeem all Woch op een Neis den Weë an d'Bannowender fannen fir ënnert den Kollegen ze sin.





d' Bannowender fänken ëmmer mat énger Anféierung un ewou den Méckengang säin Programm virstellt an endegen mat éngem Ofschlossiessen ewou mir den Bannkur nach éng Kéier Revue passéieren loossen. Och d'essen beim Cindy an beim Andy kann een nëmmen rekommandéieren, wat mat sech bréngt dass esou munechen vun eisen Féscher den Wanter iwwe dach ee bëssen ze vill Wanterspéck unsetzt, mee spéidstens wann den Weë eis am Fréijor erëm bei d' Waasser féiert gët dësen dann erëm séier verschafft.

Niewend der origineller Zesummenstellung vun den Mécken bestécht den Bannkur och durch séng speziell Ambiance ënnert den Bedeelegten. Den Méckengang stellt Woch fir Woch éng anner Méck fir déi méttels énger Projektioun mat Kamera, Schrëtt fir Schrëtt, den Bänner ersüchtlech gemeet gët. Esou kann jidvereen bequem vun sénger Plaz aus nohvollzéien ewei d' Mécken gebonnen gin. Duerno gin dann d' Mécken gebonnen ewoubäi den Jang an den Raym ëmmer ënnerstetzend zur Säit stin wann eemol déi éng oder anner Kéier spréchwierdlech den Fuedem verluer geet.



d'Bannowender sin éng grouss Beräicherung fir déi laang Wanterowender ewou mir den Weë bei d'Waasser net fannen. Et schwätzt fir sech dass eis Fëscherfrënn aus dem nohen Saarland sech all Freiden op den dach net onerhiewlechen Weë maachen fir un eisen Bannowender deel ze huelen. Ofschléissend wëll ech nach bemierken dass natirlech och d'Unfänger bei ons wëllkomm sin an selbstverständlech net ofgewisen gin.

BANKALENNER 2012-2013

Flyfishing Club Letzebuerg

		Responsabel
18/ Oktober 2012	INTRO	
26/ Oktober 2012	Glitter Wet Fly	JANG
2/ November 2012	Quill Nymph	JANG
9/ November 2012	Hawthorn	RAYM
16/ November 2012	Assassine	JANG
23/ November 2012	Phrygapeute	JANG
30/ November 2012	Fleeschmeck	RAYM
7/ Dezember 2012	Cascade	JANG
14/ Dezember 2012	Brassie	JANG
21/ Dezember 2012	CDC Ameise	RAYM
CHRESCHT VAKANZ		
25/ Januar 2013	Special EVENT???	
1/ Februar 2013	Groppe	JANG
8/ Februar 2013	Spinner Spent	JANG
15/ Februar 2013	Paraloop mat Flileken	RAYM
22/ Februar 2013	Partridge Sedge	JANG
1/ März 2013	General Versammlung ?	
8/ März 2013	Carrot Nymph	JANG
15/ März 2013	Parachute	JANG
22/ März 2013	Henry's Fork Hopper	JANG
29/ März 2013	Oofschlossiessen	

